



## OPĆINSKI NAČELNIK

Broj: 01-19-1398-12/25

Ustikolina: 06.11.2025. godine

Na osnovu člana 70. stav 1. Zakona o javnim nabavkama („Službeni glasnik BiH”, broj 39/14, 59/22 i 50/24), a u skladu sa članom 37. Statuta Općine Foča („Službene novine BPK-a Goražde“ broj: 8/08, 11/08, 16/13 i 7/20), a na osnovu preporuke Komisije za javne nabavke broj: 01-13-1398-9/25 od 27.10.2025. godine, u postupku javne nabavke radova Sanacija i adaptacija prostora buduće dječije igraone, Načelnik Općine Foča **donosi**:

### ODLUKU o izboru najpovoljnijeg ponuđača

#### Član 1.

Prihvata se preporuka Komisije za javne nabavke broj: 01-13-1398-9/25 i ugovor za javnu nabavku radova Sanacija i adaptacija prostora buduće dječije igraone, ponuđaču JKP „Ušće“ d.o.o Foča-Ustikolina za ponuđenu cijenu od 28.390,00 KM bez uračunatog PDV-a kao najbolje ocjenjenom ponuđaču.

#### Član 2.

Prijedlog ugovora o nabavci dostavit će se na potpis izabranom ponuđaču JKP „Ušće“ d.o.o Foča-Ustikolina, i to nakon isteka roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.

#### Član 3.

Za izvršenje ove odluke zadužuje se Služba za prostorno uređenje, komunalne, geodetske, katastarske i stambene poslove, imovinsko-pravna pitanja, boračko- invalidsku zaštitu.

#### Član 4.

Ova odluka objavit će se na web-stranici Općine Foča istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

#### Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

### Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-19-1398-1/25 od 10.10.2025. godine. Javna nabavka je provedena putem konkurentskog zahtjeva. Procijenjena vrijednost javne nabavke bez PDV-a je 28.400,00 KM. Obavijest o nabavci broj: 1359-7-3-165-3-22/25 poslata je na objavu dana 13.10.2025. godine i istog dana je objavljena na Portalu javnih nabavki, istovremeno je objavljena i tenderska dokumentacija u sistemu e-nabavke. Sažetak obavještenja o nabavci objavljen je u Službenom glasniku BiH broj: 61/25 dana 17.10.2025. godine. Komisija za javnu nabavku imenovana je Rješenjem broj: 01-11-206/25 od dana 12.02.2025. godine. Tendersku dokumentaciju sa Portala javnih nabavki BiH je preuzelo 15 (petnaest) ponuđača. Krajnji rok za dostavu ponuda bio je 27.10.2025. godine do 11<sup>00</sup> sati, te je izvršeno javno otvaranje ponuda u 11<sup>30</sup> sati, što je konstatovano Zapisnikom sa otvaranja ponuda od 27.10.2025. godine. Zapisnik sa otvaranja ponuda isti je dan poslat ponuđačima elektronskom poštom. Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 01-19-1398-2/25 od 13.10.2025. godine, odnosno pregledu ponuda u skladu sa

procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima. Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

| R.b | Naziv i sjedište ponuđača         | Cijena bez PDV-a | Ponuđeni popust | Ukupna cijena sa popustom (bez PDV-a) |
|-----|-----------------------------------|------------------|-----------------|---------------------------------------|
| 1.  | GPD Drina d.d. Goražde            | 28.390,00 KM     | -               | 28.390,00 KM                          |
| 2.  | JKP „Ušće“ d.o.o. Foča Ustikolina | 28.390,00 KM     | -               | 28.390,00 KM                          |

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača GPD Drina d.d. Goražde ne ispunjava formalno-pravne uslove tražene Tenderskom dokumentacijom te se kao takva smatra neprihvatljivom za ugovorni organ:

- U Aneksu 5. -Izjava o ispunjenosti uslova iz člana 45. Stav (1) tačaka od a) do d) Zakona o javnim nabavkama BiH („Službeni glasnik BiH“ broj: 39/14, 59/22 i 50/24), strana 14 ponude, u dijelu predviđenom da se upiše broj „Službenog glasnika BiH“, u kojem je objavljeno obavještenje o javnoj nabavci, nije upisan broj „Službenog glasnika BiH“, u kojem je objavljeno obavještenje o javnoj nabavci. Komisija je jednoglasnog stava da je načinjena greška, te se Aneks 5 odbacuje kao nepotpuno popunjen.

- U Aneksu 6.- Izjava o ispunjenosti uslova iz člana 47. Stav (1) tačaka od a) do d) i (4) Zakona o javnim nabavkama BiH („Službeni glasnik BiH“ broj: 39/14, 59/22 i 50/24) strana 27 ponude, u dijelu predviđenom da se upiše broj „Službenog glasnika BiH“, u kojem je objavljeno obavještenje o javnoj nabavci, nije upisan broj „Službenog glasnika BiH“, u kojem je objavljeno obavještenje o javnoj nabavci. Komisija je jednoglasnog stava da je načinjena greška, te se Aneks 6 odbacuje kao nepotpuno popunjen.

- U Aneksu 7.- Pismena izjava iz člana 52. Zakona o javnim nabavkama, strana 39 ponude, u dijelu predviđenom da se upiše broj „Službenog glasnika BiH“, u kojem je objavljeno obavještenje o javnoj nabavci, nije upisan broj „Službenog glasnika BiH“, u kojem je objavljeno obavještenje o javnoj nabavci. Komisija je jednoglasnog stava da je načinjena greška, te se Aneks 7 odbacuje kao nepotpuno popunjen.

Detaljnim postupkom pregleda i ocjena ponuda, Komisija za javne nabavke je utvrdila da ponuda ponuđača:

- JKP „Ušće“ d.o.o. Foča Ustikolina

je prihvatljiva jer ispunjavaju formalno pravne uslove i kvalifikacione uslove (lična sposobnost, sposobnost za obavljanje profesionalne djelatnosti te ekonomske sposobnosti) zahtjevane tenderskom dokumentacijom.

Tenderskom dokumentacijom tačkom 10.5. (Provođenje E-aukcije), a u skladu sa Pravilnikom o uslovima i načinu korištenja E-aukcije („Službeni glasnik BiH“ broj: 80/23) predviđen je postupak E-aukcije. Međutim, kako je ostala samo jedna ponuda koja ispunjava formalno pravne uslove, odnosno zahtjeve ugovornog organa tražene Tenderskom dokumentacijom E-aukcija nije zakazana, u skladu sa članom 4. stav (2) Pravilnika o uvjetima i načinu korištenja E-aukcije.

Iz navedenih razloga, a primjenom člana 64. stav (1) tačka b) Zakona o javnim nabavkama BiH („Službeni glasnik BiH“ broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača JKP „Ušće“ d.o.o. Foča Ustikolina za izvođenje radova sanacija i adaptacija prostora buduće dječije igraone, kao prvoplasiranom na Rang listi, sa ponuđenom ukupnom cijenom u iznosu od 28.390,00 KM bez PDV-a. U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispijelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je ponuda ponuđača JKP „Ušće“ d.o.o. Foča Ustikolina kao najbolje ocijenjena ponuda prema kriteriju najniže cijene.

Na osnovu naprijed navedenog odlučeno je kao u dispozitivu.

**POUKA O PRAVNOM LIJEKU:**

Protiv ove odluke može se izjaviti žalba Uredu za razmatranje žalbi BiH putem ugovornog organa u pisanoj formi u najmanje 3 (tri) primjerka, u roku od 5 (pet) dana od dana prijema ove odluke.

**DOSTAVLJENO:**

1. GPD „Drina“ d.d. Goražde
2. JKP „Ušće“ d.o.o. Foča - Ustikolina
3. Evidenciji
4. a/a

